



KEJADIAN sebatang pokok berusia lebih 50 tahun yang tumbang dan mengorbankan satu nyawa di Jalan Sultan Ismail, Kuala Lumpur pada Selasa lalu.

DBKL kenal pasti 175 pokok berisiko tinggi

Pokok tumbang atas tanah persendirian

Oleh **NUR FATIN ZAHRA**

PETALING JAYA – Pokok berusia lebih 50 tahun yang tumbang dan meragut satu nyawa di Jalan Sultan Ismail, Kuala Lumpur baru-baru ini berada di atas tanah persendirian dan diselia pemilik tanah.

Dewan Bandaraya Kuala Lumpur (DBKL) dalam kenyataannya berkata, pokok itu bagaimana pun dikekalkan berdasarkan Pelan Pembangunan Landskap yang diluluskan pada 2022.

Menurut DBKL, sebanyak 175 pokok dikenal pasti berisiko tinggi yang sebahagian besarnya berusia lebih 50 tahun dengan 147 pokok sudah ditebang.

"Kontraktor yang dilantik menjalankan kerja memeriksa



KERATAN Kosmo! 8 Mei 2024.

pokok berusia lebih 30 tahun atau ukur lilit lebih 1.5 meter di sekitar ibu negara sejak 2019.

"Pemeriksaan berkala dilakukan oleh pihak bertauliah. Kali terakhir dibuat pada Februari lalu. Sebanyak 28 pokok dikenal pasti akan ditebang dalam masa terdekat," katanya.

Jelas DBKL, pokok berisiko itu merujuk kepada pokok yang ber-

potensi untuk mengalami kegagalan struktur dan tumbang.

"Tindakan lanjut akan diambil sekiranya perlu seperti pemangkasan, pemangkasan terpilih dan penebangan," katanya.

Bagi mengenal pasti pokok berisiko, DBKL mengguna pakai Pelan Pengurusan Pokok Rendang DBKL yang diterbitkan pada Januari 2019.

Tambah kenyataan itu, penilaian risiko pokok mempunyai tiga tahap dengan mengambil kira keadaan fizikal pokok di tapak tersebut.

"Sekiranya keadaan fizikal pokok tidak memuaskan, penilaian akan dilakukan dan seterusnya tindakan seperti cantasan, rawatan akar atau penebangan diambil," katanya.